



顧炎武全集

8



顧炎武全集

8



肇域志(三)

譚其驤

王文楚

朱惠榮等校點

大同府

古名雲中、雲州。〔旁注〕元爲大同路。本朝改爲府。

府城，洪武五年，大將軍徐達因舊土城南之

半增築。〔旁注〕包以磚。周十三里。景泰年間，巡撫都御史年富於府城北別築北小城，周六里。

天順年，都御史韓雍續築東小城、南小城，各周五里。《金史》有牛皮關、武周山、方山、奚望

山、盛樂城、御河、鬪鷄臺、平城外郭、鹽場、如渾水、桑乾河、紇真山。有遼帝后像，在華嚴

寺。《禹貢》冀州。國朝改置大同府，革并豐、弘等州，割蔚州並縣來屬，領州、縣凡十有一，

置行都司，大同前、後二衛守焉，並治大同縣。其西置大同左、右、雲川、玉林、威遠、平虜、井坪

七衛，所，其東置陽和、高山、天城、鎮虜四衛，以障蔽邊徼云。〔眉批〕三面臨邊，最爲要害。《會典》：大同川

原平衍，尤當虜衝。國初於鎮城外分東、中、西三路，北設大邊、二邊，遠近聯絡，歲久多圯，不能捍虜騎，遂棄不守。二邊以內，

殆爲虜巢，大同勢益急。《嘉靖》中，雖再更兵變，而五堡竟成，備禦亦少固焉。今大虜款塞，貢市不絕，內備漸修飭，以直虜庭，故

禁令特詳云。東連上谷，南達并、恒，西界黃河，北控沙漠。京師之藩屏。地方數百里，爲西北

之巨鎮。〔旁注〕藩封：代王府、廣靈王府、潞城王府。其民鄙樸，少禮文，好射獵。

黃河，自古東勝州界南來，歷廢武州西北二百五十里，南流入太原府保德州界。桑乾河，

在府南六十里。源出馬邑縣北十里洪濤山下，與金龍池水合流，東南入盧溝河。（旁注）由馬邑之南

東流，過應州，北通保安州，兩河東流，會盧溝河，入海。自大同古定橋，歷保安州，至盧溝橋務里村，長八百

餘里，可以舟行。漢五原郡，（旁注）本秦上郡北境。漢置郡。在府西北四百二十里。隋初置豐州，

唐爲九原郡。（旁注）寰宇記九原有前後魏延城及郎君城（二）。國朝棄於胡。東勝州，在府西北五百里。唐

爲榆林郡，隋改勝州（三），治榆林縣。唐改東勝州（四），或爲榆林郡。遼廢，後復置。國初省。勝州境（五）。（旁注）西臨黃

河，北望陰山。方輿勝覽。唐書李景略傳：豐州北扼回紇，使來中國，豐爲通道。

七寶山，在今府北四百餘里。

山下有古城，傳云是漢五原城。（旁注）或云：金築以屯兵。黑山，在府西北四百五十里。與雲內

州夾山東西相連。今胡地。石碌山，在府城北五百里，故平地縣東四十里。山出石碌。今

胡地。大鹽澤、沒越澤，俱在府城西四百里古豐州境。沙井，在府西北四百里古豐州西北。

其外即界濠（六），舊沙陀也。王昭君墓，在豐州西六十里。北地多白草，此豕獨青。官山，

在府西北五百餘里。山上有九十九泉，黑河出其下。（旁注）流爲黑河。今胡地。黑河，在府西北四

百里古豐州界。源出官山，西流入雲內州界，至東勝州，入黃河。紫河，（旁注）在府西北四十里。

源出豐州西北黑峪口，西流至雲內州，東合黑河。高關塞，在豐州西北，（旁注）府城西北五百里。

黃河之西。史記：趙武靈王築長城，自代傍陰山下，至高關。漢武元朔二年，車騎將軍衛青渡

西河，至高關，破匈奴。勝州境（七）。史記：秦却匈奴，樹榆爲塞。金河，在府西北五里，（旁

〔注〕古雲內州 金河縣東南一百五十里。西流入天瑞泊。〔旁注〕其泥色似金，故名。〔八〕。

居延川〔九〕，在雲內州

境。〔旁注〕一名居延澤，漢蘇武嘗困於此。

東受降城，在勝州東北八里。〔旁注〕府城西北五百餘里，古東勝縣

東北八里。本漢雲中郡。在榆林縣東北八里。〔元〕屬振武軍。〔寰〕字記曰：此城東南至朔州四百里，西至中受

降城三百里。

中受降城，在今府城西北五百餘里。〔旁注〕去東受降城一百餘里〔一〇〕。本秦、漢九原郡、

縣，地在榆林。〔漢〕元朔二年，更名五原。〔唐〕貞觀初，置雲中都督府，後置橫塞軍。遼置雲內州。舊領雲

川、柔服二縣，〔元〕省入州。

西受降城，在豐州西北八十里。〔旁注〕府城西北五百餘里，去中受降城一百餘

里〔一一〕。〔眉〕批唐書 盧坦傳：元和八年，西受降城爲河徙浸毀。宰相李吉甫請移兵於天德故城。〔坦〕與李絳議，以爲西城

張仁愿所築，制匈奴上策，城當磧口，居虜要衝；美水豐草，邊防所利。今河流之決，不過退就二、三里，奈何捨萬代永安之策，

徇一時省費之謀。況天德故城僻處确瘠，其北枕山，與河絕遠，烽候警備，不相統接，虜之唐突，勢無由知。是無故而蹙國二百

里，非利也。及城使周懷義奏利害，與坦議同。遂不徙。

三城皆唐朔方總管張仁愿所築。開元初，西城爲

河所圯。總管張說於故城東別置新城〔一二〕。〔寶〕曆初，振武節度使張惟清徙東城於綏遠烽南。

〔旁注〕天德軍理此城。

天瑞泊，在雲內州西。

金河泊，〔旁注〕在府西北五百里古東勝州境〔一三〕。上承紫

河，南流入黃河。

寧邊州城，在府城西北三百里，廢東勝州南三百里。遼置州。金置鎮西

軍。〔元〕省入武、東勝二州。〔旁注〕朔州志：即今之寧邊河墩是也。

君子津，在府西北五百里古東勝

州界。屬冀州道。

五判。雙化嶺，在府城西三十里。盤踞百餘里。採掠山，在城東

北四十里。其山多產藥材，上有採掠大王廟及採掠觀。在胡地。如渾水，一名御河。源出

府城東北四十餘里開山口，與得勝河兩源合流〔二四〕，經府城東門外，有金大定中所立邊元中碑。其水南流，灌溉城外園圃，與武州川水會注桑乾河。兔毛河，在府城西二百里駱駝山，

流過古東勝州，入黃河。滄頭河，在府城西一百二十里，威遠衛南一百五十里。奄遏下

水海，在府城西北二百里〔二五〕。今在邊外，水潮無常，納大濶、小濶、大匯、小匯四河及銀水海諸細流。

【校勘記】

〔一〕平城外郭「平」，底本作「於」，川本同，滬本作「于」，據金史地理志、明統志卷二二改。

〔二〕九原有前後鷄延城及郎君城「及」，底本作「乃」，川本、滬本同，滬本並將「鷄延城乃郎君城」誤作另一條。據本書下文大同府另條及明統志卷二二改。按寰宇記卷三九：豐州九原縣，「今九原有前鷄延城、後鷄延城」。不載「及郎君城」，此四字衍，或爲後人竄入。

〔三〕隋改勝州底本「勝州」作「豐勝州」，川本、滬本同。隋書地理志：榆林郡，「開皇二十年，置勝州」。元和志卷四：勝州，開皇二十年，割雲州置勝州，「大業五年，以勝州爲榆林郡」。『明統志卷二一：『東勝州城，「隋初置勝州，治榆林縣，後改榆林郡」。隋無「豐勝州」之名，此「豐」字衍，據刪。

〔四〕唐改東勝州川本、滬本同。按舊唐書地理志、新唐書地理志、元和志卷四、寰宇記卷三八皆作「勝州」。『遼史聖宗紀開泰六年仍作「勝州」，『遼史道宗紀清寧四年作「東勝州」，則稱東勝州在遼，不在唐。』紀要卷四四：『東勝

城，「遼所置東勝州也」。

〔五〕唐爲榆林郡，勝州境。「勝」，底本作「豐」，川本、滬本同。按舊唐書地理志、新唐書地理志、元和志卷四皆作勝州，榆林郡，而原州稱九原郡，載於新唐書地理志、元和志卷四，此「豐」爲「勝」字之誤，據改。

〔六〕其外即界壕。「即」，底本作「接」，據川本、滬本及明統志卷二一改。

〔七〕勝州境。川本同，滬本無此三字。按與下文「史記：秦却匈奴，樹榆爲塞」等句相連，疑脫「榆林塞」三字。

〔八〕其泥色似金故名。底本「故」下無「名」字，川本同，據滬本及明統志卷二一補。

〔九〕居延川。「川」，底本作「州」，川本同，據滬本及明統志卷二一改。

〔一〇〕去東受降城一百餘里。「城」，底本脫，川本、滬本同。寶宇記卷三九：「中受降城，東至東受降城三百里」。元和志卷四同，據補「城」字，此記里數「一」爲「三」字之誤。詳校勘記（一一）。

〔一一〕去中受降城一百餘里。「城」，底本脫，川本、滬本同。舊唐書張仁愿傳：「神龍三年，突厥入寇，仁愿請募漠南之地，於河北築三受降城，以拂雲祠爲中城，與東、西兩城相去各四百餘里，皆據津濟，遙相應接」。通鑑卷二〇九：「景龍二年，朔方道大總管張仁愿築三受降城於河上」。胡三省注引宋白曰：「東受降城，西至中受降城三百里」。據補「城」字。本書所記里數「一」爲「三」字之誤，上文所記中受降城去東受降城里數同誤。

〔一二〕總管張說於故城東別置新城。「故」，底本作「西河」，川本同，滬本作「河西」，據元和志卷四、寶宇記卷三九改。「新城」，底本作「東城」，川本同，據滬本及元和志、寶宇記改。

〔一三〕古東勝州。「古」，底本脫，川本、滬本同，據萬曆山西通志卷五、圖書集成職方典卷三四三補。

〔一四〕與得勝河兩源合流。川本、滬本同。萬曆山西通志卷五、圖書集成職方典卷三四三無「與得勝河」四字。

〔一五〕在府城西北二百里。〔里〕，底本作〔步〕，據川本、滄本及明統志卷二一、萬曆山西通志卷五改。

大同縣

漢平城。〔旁注〕唐雲中縣。遼析雲中縣地置。

編戶三十六里。全設。

代府並郡王

十一同城。

有山西行都司並大同前衛、後衛、朔州衛，雲中，〔旁注〕府東。

甕城口〔旁注〕東南七十里。

二驛。督、撫、巡按、巡道、兵備、糧儲戶部、總兵駐劄。

地衝，民疲，虜寇出沒不常。兵馬錢

糧屯聚此地。

白登山，在東七里。

上有白登臺。〔旁注〕即匈奴冒頓單于圍漢高帝處。

武州〔旁注〕金史作周〔一〕。山，在西二十里。武州川出其西，白羊山溪谷中，引爲石渠，流至府城南

十五里，東南流，合如渾水，又名合河，入桑乾河。〔旁注〕一名黑河。

紇真山，在東北五十里。〔旁

注〕紇真，猶漢言千里。其山冬夏積雪。故諺曰〔二〕：紇真山頭凍殺雀，何不飛去生處樂。一名紇干山〔三〕。

方山，在北

五十里。上有元魏二陵及方山宮故基。

牛皮嶺，在東六十里。有牛皮關。

秦築長城，在北

一十里。〔旁注〕土色皆紫，故稱紫塞。

定襄城，在西北二十里。〔旁注〕漢定襄郡、唐定襄縣皆置此。有陰山道、

青坡道，皆出兵路。

盛樂縣，在西北。本漢定襄郡之盛樂縣，後魏拓跋力微都此〔四〕。

唐置振武

軍。遼爲振武縣。

其北七十里，有黑沙磧，即此。後魏都平城，在北郭外，其宮垣尚存。〔旁注〕冰

經：〔魏〕土地記曰：雲中有盛樂城，一名石盧城。

高柳城、參合波〔五〕，在縣界。

白羊城，在府城西一百

四十里，即大同舊衛城。〔眉批〕雲中城在府北郭外。後漢〔旁注〕漢字疑。〕建此爲西京〔六〕。其門東曰迎春，南曰朝

陽，西曰定西，北曰拱極。有官垣，古城之北〔七〕。唐爲雲中郡。其近又有故高柳城、參合坡〔八〕。

單于臺，在府西北

百餘里。漢武帝元封元年，勒兵十八萬騎，出長城，北登單于臺。〔旁注〕保安殿，在府城內。金大定五年

建。開山口，在東北四十里。自此而西，有小石大石二口。又折而南，有黑峪尖峪二口。

高山衛城，在府城西八十里。洪武初設衛始築。宣德初，以衛調附天城衛，其城遂廢。玉林

衛城，在府城西北二百四十里。洪武初設衛始築。宣德初，以衛調附大同右衛，其城遂廢。

大同左衛、雲川衛，俱在府西南一百二十里。

大同右衛、玉林衛，俱在府西北一百二十里。〔旁

注〕有小峪口、兔毛河口。

玉林山，在右衛城西二十里。

羊圈海，在右衛城東南五里。

陽和衛、高山衛，俱在府

東北一百二十里。有虎峪口〔九〕，威寧、將軍、貓莊口，大小白栢二峪口〔一〇〕，陽和前後二口。〔旁

注〕斷頭山，在陽和衛城北二百三十里。

威寧海，在陽和衛城西北二百二十里。在邊外。

馬邑河，在陽和衛城西來，繞城

北，東流萬錦灘，園圍藉以澆灌。

天城衛、鎮虜衛，俱在府東北一百八十里。有白陽口〔一一〕，榆林、磚

磨、水磨等口。

威遠衛，在府西一百八十里。

晚霞山，在天城衛東南。日落後，凡山最高者

不照，惟此山中有霞。其形似蓮花，又名蓮花山。

神頭山，在天城衛東南六十里。

天河，在

天城衛南一里，流至城北，時常泥濘，北狄知此不敢過，因名。〔眉批〕魏書釋老志：沙門曇曜白帝，於京城

西武州塞，鑿山石壁，開窟五所，鑄建佛像各一。高者七十尺，次六十尺，雕飾奇偉，冠於一世。

【校勘記】

〔一〕金史作周「周」，底本作「州」，川本同，據滬本及金史地理志改。

〔二〕故諺曰 底本無「曰」字，川本同，據滬本及明統志卷二一補。

〔三〕紇干山「干」，底本作「于」，川本同，據滬本及明統志卷二二改。

〔四〕拓跋力微「力」，底本作「刀」，川本同，據滬本及魏書帝紀一、明統志卷二一改。

〔五〕參合波 川本同，滬本作「陂」，下文作「坡」。按古有參合城、參合陂、參合陁，此處與高柳城並列，疑應爲「參合城」。

〔六〕後漢 底本於此旁注「漢字疑」三字，川本同，滬本眉批：「『後漢』二字原校改作『遼』。『漢字疑』三字，原校刪。」
明統志卷二二「後漢」作「後魏」，是。

〔七〕古城之北「古」，底本作「占」，川本、滬本同，據萬曆山西通志卷一四、圖書集成職方典卷三四八改。

〔八〕參合坡「坡」，川本、滬本同，萬曆山西通志卷一四作「陂」，疑此「坡」爲「陂」字之誤。

〔九〕虎峪口「虎」，底本作「鹿」，據川本、滬本及明統志卷二二改。

〔一〇〕大小白栢二峪口 川本、滬本同。「栢」，明統志卷二一、圖書集成職方典卷三四五、清統志卷一四六作「括」，萬曆山西通志卷二四、紀要卷四四、方輿考證卷二四作「括」。

〔一一〕白陽口「陽」，底本作「楊」，川本、滬本同，據明統志卷二一、萬曆山西通志卷二四改。

懷仁縣 府南〔旁注〕西南。七十里。編戶九里。裁減。〔旁注〕隋大業初，置大利縣。遼析雲中縣置。

有西安驛。〔旁注〕新府志：城中。原在東南三十里疙疸頭堡。

荒僻，近虜。

城周三里六步。

〔府

志〕調安東中屯衛後所守禦。〔本志同。〕

〔金史〕：有黃花嶺、錦屏山、清涼山、金龍山、早起城、日

中城。清涼山，在縣西十五里。有磚塔及利國鐵冶。

金龍山，在縣南七十里。有泉，與馬

邑金龍池脈相通〔二〕，故名。

錦屏山，在縣西南二十五里。舊有瓷窑及鐵冶。

鷄鳴城，在縣

南三十里。俗以早起城呼爲鷄鳴城。遺址微存。

灰泉，在縣東二十五里。元大德乙巳夏，

大同地震，有聲如雷。懷仁縣地裂二所，湧水盡黑，漂出松柏朽木，即此泉也。

莎泉，在縣。

後魏嘗以此名縣。

縣東十五里有海子，周迴三十餘里。其西北有泉，深不可測，禱雨輒

應。偏嶺口，在西南五十里。過北有大峪小峪蘆子阿毛四口。

【校勘記】

〔一〕金龍池「池」，底本作「祠」，川本同，據瀛本及明統志卷二二、紀要卷四四改。

渾源州 府東南一百二十里〔二〕。

編戶十四里。裁減。〔旁注〕漢平舒、崞二縣地〔二〕。唐渾源

縣。城周四里二百二十步，其形如龜。〔眉批〕居并、代之間〔三〕，俯雲、朔之塞。州幅員最廣，三面負山，峻嶺崇

岡，環列如障。異日者大虜闖入，亦稱次衝，蓋庶幾四塞之國焉。〔本志。〕

八山旋而環繞，八水合而渾流。〔府志。〕

有上

盤鋪、〔旁注〕治南。王家莊〔旁注〕州南九十里。〔府志〕一百二十里。二驛。

磁窑口巡檢司。〔旁注〕州南十七里。邊荒，煩，貧。舊有亂嶺關巡檢司，〔旁注〕州東四十里。革。〔府志〕調安東中屯衛中、前

二所守禦。王家莊堡，嘉靖初建。故城在州西二十里，後唐時徙今治。恒山，在州南二

十里。即北嶽。〔旁注〕爲并州鎮山。漢遼文帝諱，改常山。水經謂之玄嶽〔四〕。

柏山，在州東南十里。與恒山相連。渾河，在州東南十里。源出嘆土峪，分流至州西北，匯爲大澤，西流入神溪。〔旁注〕

繞城北，西流入應州境。神溪水，在州西北七里〔五〕。溪中有孤石，方畝，高丈餘。上有律呂神

祠。〔旁注〕周圍泉水混出，旁有受水池，雖隆冬不冰，俱西南流。祠下水曲折而西北，入桑乾河。崞川，

在州西南。源出應州安西鎮〔六〕，折而北流，入桑乾河。涇水，在恒山南七十里，西南合溫

泉水。〔旁注〕溫泉，出暄谷〔七〕。其水溫熱若湯，浴之能愈百疾。亂嶺關，在東四十里。路通蔚州，置巡

司。瓷窑口，在州南一十里。與大寨頭關俱置巡司。近又有李峪、大小淩雲二口。〔旁注〕淩

雲口，在州西五十里。恒山北嶽，在州南二十里，即北嶽也。水經謂之玄嶽〔八〕。書稱：舜十有

一月朔〔九〕，巡狩，至于北嶽。即此。五代，山後諸州陷於契丹，乃即曲陽致祭，而附以飛石之

說。迨我國朝弘治壬戌，詔於渾源州重建北嶽廟。先是，馬文升疏正祀典，謂周禮載恒山爲

并州之鎮，在正北。一統志亦載恒山在渾源州南二十里，即北嶽。則北嶽當在渾源州無疑，

宜修治其廟，於茲行禮。

【校勘記】

〔一〕府東南一百二十里「南」，底本作「北」，川本、滬本同，據明統志卷二一、萬曆山西通志卷二改。

〔二〕漢平舒嶂二縣地「漢」，底本作「澤」，據川本、滬本及漢書地理志、明統志卷二一改。

〔三〕居并代之間「并」，底本作「井」，滬本同，川本及萬曆山西通志卷二四作「井」。按利病書卷四五云：「今大同者，雲中之東境，定襄之南境，代郡之北境，而九原之南鄰也。」又云：「漢書地理志，并州所屬十郡，而雲中、定襄、五原、代、雁門已居其五。」此作「并」是，據改。

〔四〕水經謂之玄嶽底本「玄」下脫「嶽」字，川本同，據滬本及水經、灤水注、明統志卷二一補。

〔五〕在州西北七里底本「州」下脫「西北」二字，「七」下衍「十」字，川本同，滬本作「在州西北七十里」。圖書集成職方典卷三四三作「在州西北七里」。按本書下文另條云：「神溪水，在州西北七里。」紀要卷四四渾源川下云：「西流至城北五里之神溪。」清統志卷一四六云：「神溪水，在渾源州西北鳳凰山下。」又云：「鳳凰山，在渾源州西北七里。……神溪水發源其麓。」當以本書另條所記爲是，據刪補。

〔六〕在州西南源出應州安西鎮川本、滬本同。明統志卷二一：「崞川，在渾源州東北，發源至應州西安鎮，折而北流，注桑乾河。」萬曆山西通志卷五：「崞川，源出渾源州東北二十里，流逕州西南一十五里古崞縣麻家莊，合渾河。」圖書集成職方典卷三四三同，又云：「至應州西安鎮，折而北流，注桑乾河。」據此，本書「西南」爲「東北」之誤，「出」爲「至」字之誤；或「州」下脫「東北」二字，「源出」改繫於「在州」之上，「應州」上脫「至」字。

〔七〕喧谷「喧」，底本作「宣」，川本、滬本同，據水經、灤水注改。

〔八〕恒山北嶽至水經謂之玄嶽川本同，滬本無。又，底本「玄嶽」誤爲「立嶽」，川本同，據本書上文及水經、灤水注、

《明統志》卷二一改。

〔九〕舜十有一月朔。〔朔〕，底本作「北」，連下讀，川本同，據滬本及《尚書》舜典改。

應州 府東南一百二十里。〔旁注〕漢陰館。後周、唐金城縣〔二〕。 編戶二十里。裁減。 荒僻，

近虜，頗疲。〔眉批〕《金史》：治金城縣。有黃瓜堆、復宿山、桑乾河、渾河、崞川水、黃花城。 南山之麓，平坡峻阪，林木深

秀。〔府志〕。 城舊在東八里，自晉王李克用徙築於天王村，即今城。周五里八十五步。有安東中

屯衛。〔旁注〕洪熙元年〔二〕，自朔州調此。左、右、中、前、後五千戶所。 安銀子驛。〔旁注〕舊在州南三十里安銀子

村，今移治西北。 舊有安銀子遞運所，革。 中、前二所守渾源州，後所守懷仁縣。 東界渾源，

西接山陰。 黃花嶺，在州西北三十里，山陰縣北四十里。 龍灣山，在州南〔旁注〕西南。四十

里。上有龍池，旱禱多應。 西南爲茹越嶺，連繁峙縣界。 大小石峪水，俱自州南山流至州西

舊城外，合入桑乾河。 香峯山，在茹越口、龍灣之南。 渾河，在州東二十里。 龍首山，在

州東北三十里。 南跨雲中。〔旁注〕州北延袤千里，此爲山首，山之南跨雲中。 雁門山，在州西南。 有

三岡、四鎮：東趙霸岡，西黃花岡，南護駕岡，東安邊鎮，南大羅鎮，西司馬鎮，北神武鎮。 北

樓口，在州東南四十里。〔旁注〕南通繁峙縣明嶺關，在此口中，往來通行。 過東有黃沙徐峪、康峪三口，過

西有牛槽大石小石三口。 小石口置巡司。 茹越口，在州南四十里。〔旁注〕茹越山，州南三十里，壁

列如屏。南通繁峙縣，有巡檢司。西接胡峪口。〔旁注〕胡峪口，在州西南六十里。南通代州，有巡檢司。二口俱置巡司。其間有時峪、箭桿峪^{〔三〕}、明樞峪^{〔四〕}、狼峪、神堂峪、水峪、馬峪等十三口。漢鹵城縣，在州界。漢縣，屬代郡，後漢屬雁門郡。金鳳城，在州東北天王祠前。後唐明宗生於此。中有金鳳井。廢泊城，在州治西大定街北。應州故城，在州東十里。〔旁注〕八里。天寶初，大同節度使王忠嗣築^{〔五〕}。唐李克用遷城於天王村南，此城遂廢。金城廢縣，在州城內。本漢雁門郡陰館縣，漢末廢。唐始置金城縣，爲州治。〔旁注〕五代唐以應州置彰國軍節度使。遼、金、元因之。國朝省入州，即衛治。

【校勘記】

- 〔一〕後周唐金城縣 川本、滬本同。廣記卷一九：「應州，唐末置，後唐天成元年升彰國軍節度。」金城縣，附郭縣，「後唐明宗其縣人也，故置彰國軍，而以金城爲望縣。」則唐末置金城縣，此云「後周」，誤。
- 〔二〕洪熙元年 「洪熙」，底本作「洪武」，據川本、滬本及紀要卷四四改。
- 〔三〕箭桿峪 「桿」，底本作「捍」，川本同，據滬本及明統志卷二一、紀要卷四四改。
- 〔四〕明樞峪 「樞」，川本、滬本同，圖書集成職方典卷三四五作「福」，未知孰是。
- 〔五〕王忠嗣 「嗣」，底本作「祠」，川本同，據滬本及新唐書王忠嗣傳、清統志卷一四六改。

山陰縣 州西六十里。〔旁注〕漢陰館縣地。金、元置山陰縣。 編戶七里。裁減。有守禦千戶

所。山陰驛。〔旁注〕治西南。 僻，疲，近邊。城周四里二十步。東界應州，北接大同。〔眉

批〕九嶺拱圍，二河經帶，東西長川，坦然平闊。金史：有黃花嶺、桑乾河。龍門山，在縣南三十里。〔二〕亦名

隘門。上有御射臺，後魏文成帝嘗射於此。有碑記，其陰刻從臣姓名。黃水河，在縣北半

里。源出龍灣等峪，流經應州西北八里，入桑乾。澇則泛，旱則涸。黃昏城，在縣北黃花嶺

後。〔二〕俗呼曰沒城爲黃昏城。此城並前鷄鳴、日中城爲三，俱後魏文帝築。忠州城，在縣

西南十五里。又名山陰古城，金築。佛宿山，在縣南三十五里。一名覆宿山。山下有何家

泉。黃花嶺，在縣北四十里。龍灣峪口，在西南四十里。過東有沙家、五人赤石、盆子四峪，

過西有東寺、西寺、白樹棘料石門、寬峪水峪七口。

【校勘記】

〔一〕在縣南三十里 底本脫「南」字，川本同，據滬本及萬曆山西通志卷五補。

〔二〕在縣北黃花嶺後 底本脫「北」字，川本同，據滬本及明統志卷二一補。

朔州 府西南二百八十里。漢馬邑。隋鄠陽。〔旁注〕鄠陽縣，倚鄠。本朝省入州。 編戶八